

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Johannis Wenceslai Dens ... Ad Religionem Lvtheranam Conversi Lvthervs Cvm Sole Comparatvs

Dens, Johann Wenzeslaus

Jenae, 1673

Rector Academiae Jenensis Johannes Musaeuss SS. Theol. D. & Professor
Publicus, una com reliquis Proffesoribus, civibus suis S. P. D.

[urn:nbn:de:bsz:31-67697](https://nbn-resolving.org/urn:nbn:de:bsz:31-67697)

RECTOR ACADEMIÆ JENENSIS
JOHANNES MUSÆUS
SS. Theol. D. & Professor Publicus,
Una cum reliquis Professoribus,
Civibus suis S. P. D.

Inter Apocalypses Johanneas insignis est
quæ cap. XIV. Babylonis excidium, seu
catastropham præcedentium in fideles
calamitatum, explicat. Cum ipsa verò Agni
in mediâ suorum afflictione exuperantis victo-
ria, tum trina angelorum proclamatio, *Qui,*
quodnam Evangelium, quemve & cuius Baby-
lonis casum odiumve afferant, variè solet acci-
pi. Sanè cum magni in Papatu (cui ista mina-
ri dicuntur) autores *Babylonem* eandem cum
Roma septicolli heic agnoscant, qualis hæc, sub
finem mundi, tempore Antichristi futura sit, à
fide scilicet Christi & obedientiâ Papæ relapsa;
præcellit probabilitate sententia, quæ *Martini*
Lutheri reformationem Evangelicam superiori
seculo factam præfigurari statuit. Comparet quis
adumbrata capp. proximis ecclesiæ mala, vitio
Paparum Romanorum inducta, & qualis in me-
diis tenebris & persecutione Agnus ille victor
cum cætu verè credentium enituerit, quo ve im-
petu

petu successuque à tam tenui subsidio Lutherus rem maximam confecerit, deprehendet, non nostro, quibus ille probatur, sed & cujuscunque alterius procul affectu æstimantis judicio lique- re: Lutherum esse illum *Angelum primum*, non sine Dei instinctu emissum, *volantem* doctrinæ prædicatæ celeritate, *per medium cæli*, quippè palam & in florentissimâ Christiani orbis parte, *præferentem* ore & exemplis vitæ *Evangelium*, quàm oppressis conscientiis desideratum, tam & divino ante sæcula condita decreto & perpetuo in terris præconio *eternum*. Id verò *Evangelizatum habitantibus super terram*, quàm longè lateque pervaserit, *ad omnem gentem & tribum, & linguam & populum*, etiam ad ignaros pro tempore nominis Christiani, aliove sub Sole calentes, quàm acriter *timorem & honorem* veri *Dei* & religionis puritatem à superstitione & portentis impietatum vindicârît, manifestius est, quàm ut operosè nunc ostendatur. Et quem fugit sæculta inde *Papatus Romani*, tam ante toti mundo terribilis, *ruina*, prostituti ejus erroribus & sceleribus, ad animos meliora jam edoctos, præbitaque libertate, ne vel errandi necessitas, vel serviendi miseria superfit. Eadem fortuna aperuit consilia ac disertam SS. Numinis voluntatem, à successoribus Lutheri præclare

decantatam, de odio, quod Lūtherus suis legaverat, *Papa* jam corruentis; & fugā calicis ejus, qui furorem vindicis Dei & torrentes perennium cum seductōribus diabolis pœnarum in obstinatos erroribus suis effundet. *Spe* vicissim eximīā *finiendi beato obitu afflictiones* pro Dei gloria toleratas; & *fide* nimis certā *ultionis in hostes veritatis*, qui *messe sui* & *vindemiā* horribili luent, quicquid pravē commiserunt. Meditari porrò vices istas pium quemvis & Evangelicæ veritatis amantem convenit, cum aliās, tum hoc tempore, cujus *crastinus dies* pararium melioris in ecclesiā statū divinitus oblatum, MARTINUM illum LUTHERUM, in vitalis luminis auras Islebiæ felicissimè edidit. Jam antè rectius paulò consulta antiquitas *Vindemiæ festum* ab Æsculapio Paganorum ad *S. Martinum Turonensem* transtulit. Huic non invito noster heros sociabitur, ut, procul Papalis canonisationis ineptiis, *Genethlia* viri tam egregiè de Christianā Ecclesiā meriti, cum plausu lætissimo & votis duraturæ in posteros doctrinæ salutaris, celebremus. Præiturum exemplo suo professus est *Vir perquam Reverendus & Clarissimus*, DN. JOHANNES WENCESLAUS DENS, *Theol. Doctor, & antehac Cæsareus in Keltischen Præpositus, ut Ordin. Minor*

nor. Convent. in Schruvidniz Guardianus.
Intellexerat, quanto suo periculo adorasset be-
stiam & imaginem ejus, & accepisset caracte-
rem in fronte & manu sua. Fide igitur, qua
Moses olim adultus, negavit se esse filium filiae
Pharaonis, magis eligens affligi cum populo Dei,
quam temporalem peccati habere jucunditatem,
majores divitias aestimans thesauris Aegypti im-
properium Christi. Ita excesit ex consortio me-
retriciſ oecumenicæ, emaculatâque à contagio
abominationum ejus conscientia, in posterum
ibit ovans animis & spe sua damna levabit. Et
sicut studio exterminati è patria æterni Evan-
gelii patientiam sanctorum inclytis Lipsiæ ac
Wittebergæ Academiis, bonisque aliis, in custo-
diâ mandatorum Dei & fide Jesu approbavit:
Lutheri etiam nostri elogio tam certum decus,
quam idoneam sibi causam proponit. De
Paulino quidem, majore dicto, accepimus, cum
oculorum dolori & caligini S. Martinus tactu
peniculi remedium tulisset; cum & minor co-
gnominis ac Venantius Fortunatus cassos propè
lumine oculos oleo, quod in lychno ad imagi-
nem Divi arsit, inunctos, in pristinum vigorem
restitutos sensissent, ejus beneficii ergò singulos
carmine eucharistico suam pietatem testatos.
Quid nostri Martini penicillus, quanta nutri-

mentum illud lampadis, quam Evangelicis accensam mortuus reliquit, Dentio Nostro nō præstitit in tam profundis Papalium errorū tenebris cæcutienti? Certè *huc is dum properat, valido torquente dolore, Diffugiente gemens oculorum luce fenestris; Hoc procul ut tetigit benedicto lumen olivo, Igneus ille vapor marcenti fronte recessit.* Collyrium enim erat divinitus ostensum, ad visum in dignoscendâ suâ miserâ & observandis veris beatitudinis mediis recuperandum. Quis nunc gratisimi hominis institutum non vehementer probet, aut abnuat honorificam oraturo præsentiam elargiri? Aderimus imò conferti, & si quid apud Vos, *Cives optimi*, valet autoritas nostra, si memoria Lutheri, si gratia libertatis Christianæ, cujus recuperandæ rationes ille tam egregiè ostendit, suoque multo maximo labore & periculo executus est, si voluptas consociatæ in unâ fide spei, de quâ in conversis angeli ipsi in coelo latantur, hoc interprete monemus, ut pares animos ostendatis, *Crastini Hora X.* in Auditorio Majori frequentes & benevoli affuturi, applicato, quo Paulinus Junior olim perfunctus esse dicitur, in hofusus voto:

Vtinam

*Vtinam similis tenebras contingere cor-
dis
Tali luce velit divi medicina LUTHE-
RI,
Reddat ut antiqui rursus mysteria fa-
cti;
Nomen idem, medicusque idem, par caus-
sa medendi.*

*P. P. sub Sigill. Academ. D. IX. Novembris,
Anno Gratiae clc lcc LXXIII.*



Novum familiae ...
P. P. sub sigill. Academ. D. IX. Novemb. ...
Anno Grat. etc. hoc LXXIII.

P. P. sub sigill. Academ. D. IX. Novemb. ...
Anno Grat. etc. hoc LXXIII.

